

氣候

天時寒燠按華氏表計之夏季極熱時高可至百零一二度冬季極冷時低可至二十八九度春分秋分兩節爲春秋二季之中心高低之數每在六十度上下民國以來雨量缺少雖不至於旱乾亦不能十分透足合計一年之中春季多風入夏則風卽減少秋末冬初風又增多

人口

按十九年調查全縣戶口共二萬四千八百二十二戶男口八萬一千七百八十四口女口六萬六千五百四十二口共十四萬八千三百二十六口

物產

穀豆類

穀 大麥 小麥 蕎麥 高粱 黍 稷 稻 稗 芝蔴

玉蜀黍 大麻子 綠豆 黑豆 黃豆 江豆 豌豆 小豆

菜豆 扁豆 花生豆

以上物產除高粱綠豆可以造粉(造法見實業門)芝蔴花生大麻子可以造油外其他全係食品豐收之年尙足敷用如遇水旱雹蝗等災須由他縣輸入始能接濟

瓜果類

王瓜 南瓜 北瓜 東瓜 西瓜 甜瓜 菜瓜 絲瓜 瓠

子(府志即葫蘆)梨(分數種)桃 杏 棗(分數種)石榴(酸

甜二種)沙果 葡萄 桑椹

以上物產除梨葡萄銷於天津清苑外其他全歸本縣所用

泉類

棉花 綵麻 小麻

縣屬西區以棉花爲大宗北區以綵麻爲大宗棉花綵麻除縣內銷用外運售天津小麻爲數甚少

菜類

葱 韭 芥 芹 茄 蒜 蘿蔔（分紅白二種）胡蘿蔔 芫
荽 茴香 蒿苳 白菜 青菜 山藥 蔓菁 香椿 秦椒
苦菜 蒼蘆

以上物產所出無多僅供縣內食用故銷售亦在本境

花草類

海棠（分春秋二種）木槿 月季 玉簪 石竹 夾竹桃 葵

菊 石榴 茉莉(草本) 鳳仙 牽牛 雞冠 葦 茅 苔
萍 莠 水蓬 馬蘭 蘆 菸 苜蓿 穀草(俗曰稈草)
以上物產半係零星散見惟葦爲築室之用菸爲吸煙之用苜蓿
穀草爲飼牲畜之用人多重視之時有交易亦係銷於本境

木類

柏 榆 槐 洋槐(近年始有) 椿(分香臭二種) 桑 杜 楊
(分青白二種) 柳 荆

縣屬無森林故產出之木材不敷應用偶有大建築卽購於天津
或他縣

藥類

車前子 兔絲子 枸杞 薄荷 金銀花 蒺藜 夏枯草
益母草 蟬蛻 艾 蘿蔔子 桃仁 杏仁 槐角 槐花

桑白皮 扁畜 蒲公英

以上藥品因出產無多人每放棄之間有採取車前子益母草及蟬蛻者銷於祁州（卽今安國縣）

禽獸類

鷄 鴨 鵝 鴿 鵪 烏 燕 雀 鵲 鶉 布穀 鴝
猪 羊 牛 驢 騾 馬 犬 貓 兔 狐狸 鼠 黃鼬
蝟 獾

按鴿爲傳書之用犬爲守夜之用貓爲捕鼠之用猪羊之肉與鷄鴨鵝所出之蛋本境用爲食品又牛驢騾馬用以耕田曳車合計所用之物除牛驢騾馬羊五種須由他方採買外其餘尙數本境之用惟黃鼬一種雖亦出產無多冬時常有購其皮而運銷天津者

鱗介類

鯉 鯽 鮎 魴 鰱 鱖 魴 黑魚 蝦 蚌 螺

按本縣所轄除白洋淀僅占一隅外並無大澤故產出之魚蝦不敷木境之用

蟲類

蠶 蜂 蟋蟀 螳螂 蜘蛛 蜻蛉 蟬 螢 蝶 蛙 蝦
蜓 蝗 蟻 蛇 蚊 蚋 蠍 螟蛉 螺 贏 螞 蠅 蝦
蟊 螻 蝻

按蠶爲吐絲之用蜂爲釀蜜之用本境養此者寥寥其餘亦不多見

貨品類

硝 小鹽 乾粉 布疋

按縣屬地多鹺鹵出產鹽硝前清以來屢有官硝局設於城內收買火硝小鹽名爲私鹽只可私食不得販賣乾粉一項除本境食用外間或銷於鄰境布爲我縣家庭工藝大工廠並不甚多合計全縣男女以織布爲業者約占十之八九故所出之布運銷全國（詳見實業門）誠我縣生活之一大宗也

實業

商會之發起

本縣商會發起係由安新楊欣甫武安李條庵本縣李香閣韓捷三韓鉅宸張筱良張造卿李馨齋諸先生就城內南街關帝廟址籌劃設立於光緒三十二年呈准立案其時高陽商業類皆零星舖戶小本經營民智未開眼光不遠迨商會成立後商人始略有團結商業始稍見進步矣

商業學校與職業學校成立之經過

楊君欣甫等以商會既粗具規模而商業人材之培養尤不可緩於是就商會院內創設商業夜校以各商家學徒爲學生聘公正士紳爲教習旋以學生日多商會房屋不能容納遂捐貲購地築學舍於城內東街越數年復遷南關外改組中學名曰甲種商業

學校民國以來學務蒸蒸日上比以連年內戰校內駐兵學生星散門窗什器悉付軍人燬火商教遂以中輟民國十六年夏商會會長韓鉅宸丁芸閣復聯合同志從新整頓改爲私立職業學校專注重染織各科云

織布之過程

本縣織布始興於光緒三十二年其時僅用木機工具既笨出貨亦少宣統三年漸改鐵輪機惟僅織平面白布民國元年乃有織直徑小提花者群咸以爲巧不可階民十以後樓機風行回首直徑小提花機則土飯塵羹視之矣

織布所用之棉紗率以十六支二十支四十二支爲最普通此項棉紗大部購自東西洋二十餘年來漏卮不知幾許近以國內紗廠林立出品雖不及東西各國之精緻而商民爲大義所驅盡改

用本國棉紗不復用洋貨矣

棉布推銷地點幾占全國之半如熱察綏內外蒙庫倫陝甘晉豫直魯等地蔴絲織品則銷於川雲兩湖上海東三省等地近以國際糾紛高陽商業之在內外蒙者已被赤俄侵畧淨盡

布之名色

棉紗布則有粗布市布愛國袍料標布提花布粗細斜紋等名蔴布則有人造絲提花布及國花縐等名以上布疋各色均有

染色軋光

山西染房興起在民國三四年至民國十二三年時布貨日多山西染房不敷需要以其所染祇限於青藍等色未能推陳出新也於是雜色染房應時而起其盛衰存亡一視布業榮枯暢滯爲轉移今當各布行衰退之餘染房均無起色

軋光始於民國十三四年與布業互爲臂助如大車小車之於軋軌故其榮枯與染房等

布業之發達及其衰落

本縣布業之發達固由於國內各省舉辦者少而最大原因則以歐戰酣時外貨無暇織造不能運送來華所致最盛時期爲民國五六七年其時安新楊欣甫本縣李叔良李希古諸君賡緒提倡盛甲北省每戶一機或四五機者不等推廣及於任邱清苑蠡縣各鄰境軋軋之聲比戶相接集期一至穀擊肩摩商貨雲屯產額一年達一百七十萬疋之多高陽遂以布業著顧及今日漸墜落自民十六起所有織業漸易棉而爲蘇迨至十八年據商界統計已占總額十分之七而棉織品遂一落千丈高陽市面已現危機民國以前初興織布布業所用棉紗大半來自日本紗之細者以

三十二支者爲最粗者則有十大把十二把十六支二十支等類之紗織成洋布後或染佛青缸月青藍等色其白色布疋則運赴辛集南宮順德高邑德州一帶北平涿州一帶山西榆次太古太原一帶批發銷售彼時織布者大多數在城西各村營布業之商店甫一二十家以蚨豐論終年亦不過營一二十萬元之流水盈利最多在萬元上下至民元後國內各紗廠風起雲湧仿製日紗而日本則出一種四十二碼合股線以作競爭是時高陽已創行愛國布將合股線先行染成各種顏色再交織戶織成十斤左右之愛國布銷路則闢河南之洛陽陝西之長安察哈爾之張家口各處每地最盛時年可銷百萬疋利亦最溥在內外蒙者以蚨豐號銷貨最多彼在張家口設有專號自備汽車駱駝專經營十三旗商業售貨員達百餘名之多每年營二三百萬之流水本縣自

民元後營布業者亦驟增織布者不但遍全縣卽比鄰各縣亦莫不觀感興起銷路亦與日俱增如綏遠之包頭甘肅之蘭州涼州東三省之哈爾濱外蒙之庫倫河南之洛陽鄭州開封偃陽漯河許州各地河北之彰德新鄉衛輝各處山西之全省山東之鄒兗臨沂一帶江蘇之徐州海州一帶無不有本縣營布業者之足跡嗣後白布色布愛國布等漸就衰微而花條布色條布又應時而興蓋因山東濰縣亦繼高陽而營織布業且成本較輕貨質亦稍高凡高陽布業界足跡所到之地無不有濰縣人與以競爭自受此打擊始改創雜色條布以作維持而舊有之各種白布等布成爲附帶品愛國布則絕跡至民國十年以後蘇絲卒興提花機亦盛亟一時昔日之織平面布者皆一變而爲蘇絲提花品銷路亦大加擴充如江蘇之上海福建之福州廈門汕頭廣東之澳門安

徽之蚌埠蕪湖湖北之漢口武昌宜昌沙市湖南之長沙岳州寶慶四川之重慶等地均有高陽之銷售麻織品者然內外蒙則因赤俄關係一蹶不振高陽之營布業者均絕跡其或設有分號者亦均被沒收以蚨豐一號所受之損失竟達三十餘萬元近一二年來營麻織品者亦漸退化將成過去若不加以改良恐高陽織業行將不可收拾矣

採訪冊

工業

做乾粉 岳家左村家家以做乾粉爲副業其歷史已有百餘年之久遠惜徒守舊法未加改良不能精益求精殆無科學知識之故博士莊等村業此者亦有數家名曰粉房今將其製造方法詳叙之

先將高粱綠豆浸於水缸中間亦有僅用綠豆者則稱爲淨粉價

值較昂普通皆爲高粱綠豆各半浸水後約逾十餘鐘磨爲粥狀之粉漿先以粗羅過之汰去渣滓次過細羅置於缸中使之沈澱再以布包而懸之使濾去水分復以灰吸乾成爲粉團先製薄（如製麪包之先作肥者）其性甚黏置於缸中攪粉及水攪之俟黏而拔絲則乾粉之原料成將此原料置於瓢中瓢有孔或方或圓或四五或二三不等搖之則粉條絲絲下墜落於沸水中撈出後置之冷水再理而成序晒於架上候乾則乾粉完成矣全村每年出產量額約計八千斤糧食百斤可出乾粉四十斤工人每年五十元

小爐匠

北歸還村有一種專技俗謂之小爐匠善鋸盆碗並能修理各種新式快鎗鐘表話匣與製造獨子快鎗亦自謀生活之一種